

# Útboð

Lax- og silungsveiði í Fossá og Rauðá í Þjórsárdal

Skeiða- og Gnúpverjahreppur og Skógræktin óska hér með eftir tilboði í lax- og silungsveiði í Fossá og Rauðá í Þjórsárdal fyrir árin 2019 til 2022, að öllum árum meðtöldum, samkvæmt meðfylgjandi útboðsskilmálum og fyrirbyggjandi upplýsingum.

Útboðsgögn eru hjá umsjónarmanni útboðsins Kristófer Tómassyni  
Sveitarstjóra Skeiða- og Gnúpverjahrepps

Frestur til að skila tilboði rennur út 12 nóvember 2018 kl 16:00.

Verða tilboðin þá opnuð í viðurvist þeirra bjóðenda sem þess óska.

**Skeiða- og Gnúpverjahreppur og Skógræktin**

## ÚTBOÐSLÝSING OG SKILMÁLAR.

**Skeiða- og Gnúpverjahreppur og Skógræktin veiðiréttareigendur að Fossá og Rauðá í Þjórsárdal hafa ákveðið að óska eftir tilboðum í leigu á veiðirétti í þessum ám fyrir veiðitímabil áráanna 2019-2022 með almennu útboði.**

Umsjónaraðili útboðsins er: Kristófer Tómasson sveitarstjóri Skeiða- og Gnúpverjahrepps. Árnesi  
801 Selfoss netfang : kristofer@skeidgnup.is sími 486-6100

### ***Tilgreina aðila með heimilisfangi og fullum upplýsingum.***

Útboðsgögn, sem fást afhent hjá umsjónaraðila, eru þessi:

Útboðslýsing þessi ásamt fylgiskjölum

Tilboðsblað

Yfirlit yfir veiði árin 2008– 2018 samkvæmt skýrslu Veiðimálastofnunnar.

Yfirlitskort af veiðistöðum.

Útboð þetta tekur til eftirtalinnna tveggja veiðisvæða í Fossá og Rauðá í Þjórsárdal. Um er að ræða leigu á rétti til veiða á stöng á svæðum sem merkt eru inn á meðfylgjandi uppdrátt.

1. Veiðisvæði ofan Hjálparfoss. Nær frá Hjálparfossi og inn í Fossárdal sem endar í gljúfrum neðan við Hjálparfoss og er aðgengilegt veiðisvæði um 12 km að lengd, auk Rauðár frá Fossá inn í Gjá alls um 3,5 km að lengd.

2. Veiðisvæði neðan Fossár. Nær frá Hjálparfossi að skilum við Þjórsá móts við Búrfellsvirkjun. Lengd um 1,7 km.

**Nánari lýsing og skilmálar útboðsins eru þessir:**

### **1. Veiðiréttur.**

#### **Réttur til veiða.**

- a) Um er að ræða rétt til stangaveiða á ofangreindum svæðum á tímabilinu frá árinu 2019 til og með 2022 ár hvert.
- b) Hámarksfjöldi stanga á degi hverjum eru tvær stengur ofan við Hjálparfoss og tvær neðan við.
- c) Á ofangreindum veiðisvæðum er einungis heimilt að veiða með stöng. Veiðitímabilið er frá 20. maí til 30. september daglegur veiðitími frá 7:00-13:00 og 15:00-22:00.
- d) Öllum fiski sem veiðist ofan við Hjálparfoss skal sleppt og þar er aðeins leyfð fluguveiði.

### **2. Veiðivegir og merking veiðistaða.**

Jeppafærir malar- og vikurslóðar eru með hluta árbakkanna og allt inn í Fossárdal að austanverðu. Akstur utan slóðanna er óheimill.

### **3. Veiðisvæðaskipting og veiðivarsla.**

Leigusali ræður skiptingu árinna/anna í veiðisvæði. Leigusali skal hafa heimild en ekki skyldu til veiðivörslu á hinu leigða svæði á sinn kostnað.

### **4. Tilboðsfjárhæð, greiðsluskilmálar og tryggingar.**

Tilboðsfjárhæð – leigugreiðslan skal miðuð við leigu í eitt ár í senn, í fyrsta sinn fyrir árið 2019.

Tilboðsfjárhæðin skal vera í íslenskum krónum.

Allir þættir tilboðsins skulu vera í fjárhæðum ss. leiga, boð um framkvæmdir á veiðisvæði, viðhald eigna, fiskirækt og annað. Yfirlýsingar um þátttöku í kostnaði er ekki heimilt að meta til fjárhæða eftir að tilboð hafa verið opnuð.

Tilboð til fleiri ára skulu innihalda verðtryggingu sem leigusali ákveður í útboðsgögnum.

Tilgreina skal þær tryggingar sem leigutaki hyggst veita og skulu þær vera í samræmi við kröfur í útboðsgögnum. Trygging skal vera með þeim hætti að hægt sé að krefjast greiðslu samkvæmt efni hennar ef vanskil leigutaka hafa varað lengur en 30 daga frá gjalddaga.

### **5. Gjalddagar leigugreiðslna.**

Leiga skal greidd í síðasta lagi 1. Júlí árin 2019, 2020, 2021 og 2022.

### **6. Aðstæður og kynning á þeim**

Veiðisvæðið verður sýnt bjóðendum ef óskað er og verður þá ákveðinn einn dagur í byrjun febrúar í það.

### **7. Fiskrækt og merkingar.**

Fiskirækt verður ákveðin í samvinnu við starfsmenn Veiðimálastofnunar og ekki má sleppa seiðum nema samkvæmt ráðgjöf og leyfi Veiðimálastofnunar.

Ef tilboðsgjafi hyggst stunda fiskrækt á svæðinu skal slíkt tilgreint í tilboði (í kr.) og ávallt vera háð samþykki og skilmálum leigusala.

### **8. Þjónusta við veiðimenn.**

Leigutakar annast á eigin ábyrgð þjónustu við veiðimenn um, fæði og aðra þjónustu.

### **9. Annað sem við á**

Leigusalar leggja mikla áherslu á að almenningur hafi möguleika á að kaupa veiðileyfi í ánni á eðlilegu og sanngjörnu verði t.d. í gegn um veiðivefi.

### **10. Framsetning tilboða**

Tilboð skulu gerð á meðfylgjandi tilboðsblaði eða á sambærilegan hátt og skilað í lokuðu umslagi til umsjónaraðila, merkt:

Umsjónaraðili útboðs.

Útboð – v/Fossár í Þjórsárdal árin 2019-2022

Kristófer Tómasson

Árnes 801 Selfoss

Umsjónarmaður útboðs skal ekki hafa persónulega hagsmuni í viðskiptum við einn bjóðanda öðrum fremur.

### **11. Skilafrestur og opnun tilboða**

Tilboðum skal skilað til umsjónaraðila útboðs (sbr. fremst á blaði), eigi síðar en kl. 16:00, 5 nóvember 2018. Þar sem þau verða opnuð í viðurvist þeirra bjóðenda sem þess óska.

### **12. Gildistími tilboða**

Bjóðendur skulu bundnir við tilboð sitt í allt að 2 mánuði eftir opnun þeirra.

### **13. Leigusamningur**

Gerður verður skriflegur leigusamningur við leigutaka til áraanna 2019-2022 sem auk þeirra atriða sem ofan greinir skal vera í samræmi við gildandi lög um lax og silungsveiði.

Áskilinn er allur réttur til að taka hvaða tilboði sem er eða hafna þeim öllum.

### **14. Upplýsingar**

Nánari upplýsinga og/eða frekari skýringa má leita hjá Trausta Jóhannssyni sími 470-2080 eða trausti@skogur.is og Kristófer Tómsyni sími 486-6100 eða 861-7150 kristofer@skeidgnup.is .

# TILBOÐSBLAÐ

Fossá í Þjórsárdal 2019-2022

Nafn bjóðanda: \_\_\_\_\_, kt. \_\_\_\_\_

Heimilisfang: \_\_\_\_\_, Póstfang \_\_\_\_\_

Sími: \_\_\_\_\_, Fax: \_\_\_\_\_, Netfang: \_\_\_\_\_

Leiga á rétti til veiða í Fossá og Rauða Vf. \_\_\_\_\_ár,

Fjárhæð árið 2019, kr. \_\_\_\_\_

Fjárhæð árið 2020, kr. \_\_\_\_\_

Fjárhæð árið 2021, kr. \_\_\_\_\_

Fjárhæð árið 2022, kr. \_\_\_\_\_

Samtals leigufjárhæð á leigutímanum, kr. \_\_\_\_\_

Verðtrygging leigufjárhæðar, dagsetningar, o.fl. \_\_\_\_\_

---

Annað ef við á samkvæmt útboðsskilmálum,

s.s.framkvæmdir, fiskrækt o.fl. kr. \_\_\_\_\_

Tryggingar: Hverjar. \_\_\_\_\_

Staður og dagsetning: \_\_\_\_\_

Undirskrift: \_\_\_\_\_

Loftmyndir frá Loftmyndum ehf sem sýna útlínur veiðisvæðanna.